

Pedro Barrutia Mendikute

*Elgoibar,
Gipuzkoa
(1920-2005)*



Aurkibidea

Biografia



Elgoibarren kalean jaio eta bertan bizi izan zen beti. Aita ere Elgoibarkoa zuen eta ama Mendarokoa. Denetarikoa lanak egin izan zituen, baina bere zaletasun handiena zentral elektrikoak ikustea zen.

Zintak

EGB-022

- **Proiektua:** Elgoibarko euskara
- **Elkarrizketatzailea(k):** Arriola, Ibon
- **Data:** 1999-01-01

- **Iraupena:** 84 min
- **Euskarria:** Mini Disc
- **Kodifikatzailea:** Agirrebeña, Aintzane
- **Transkribatzailea(k):** Irisarri, Estitxu

Pasarteak

1. Okinak beti "lo-goseak"; lanbide gogorra

- **Erref:** EGB-022/002
- **Iraupena:** 0:01:25. **Hasi:** 00:01:05. **Bukatu:** 00:02:30

Gaia(k):

- Lanbideak » Negozioak, dendak

Laburpena:

Okinak beti "lo-goseak" bizi direla dio. Bizimodu gogorra zen okinarena eta horregatik utzi zuen lanbidea. Urtean bi egun bakarrik izaten zituzten jai. Etxean zentrala zuten eta ogiak egin eta banatu egiten zituzten.

2. Argietxeak (zentralak) ikusteko zaletasuna

- **Erref:** EGB-022/005
- **Iraupena:** 0:01:00. **Hasi:** 00:05:55. **Bukatu:** 00:06:55

Gaia(k):

- Herria, azpiegitura » Herri-antolaketa » Eraikuntzak eta azpiegiturak

Laburpena:

Elgoibarko Barrenako zentralaren inguruko kontuak. Inguruetako zentralak. Zentralak ikusteko zaletasuna izan du.

3. Argentinara bidia; munduko zentral handiena

- **Erref:** EGB-022/007
- **Iraupena:** 0:02:18. **Hasi:** 00:08:25. **Bukatu:** 00:10:43

Gaia(k):

- Familia eta harremanak » Lagunartea eta familia » Gaztetako ibilerak
- Herria, azpiegitura » Herri-antolaketa » Eraikuntzak eta azpiegiturak

Laburpena:

Argentinan egon zeneko kontuak. Munduko zentral elektriko handiena ikusi zuten bertan. Iguazu ur-jauziak. Honen inguruko kontuak.

4. Matematika eta geografia gustatzen zitzaizkion

- **Erref:** EGB-022/011
- **Iraupena:** 0:02:35. **Hasi:** 00:18:04. **Bukatu:** 00:20:39

Gaia(k):

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Maisu-maistrak

Laburpena:

8 urte ingururekin hasi eta 15 urtera arte ibili zen eskolan. Matematika eta geografia asko gustatzen zitzaizkion. Don Erasmorekin ibili zen. 30 lagun ibiltzen ziren. Baserritarrek neguan 6 hilabete inguru egiten zituzten eskolan eta udan baserrira lanera.

5. Errekan jolasten ziren

- **Erref:** EGB-022/012
- **Iraupena:** 0:00:31. **Hasi:** 00:20:39. **Bukatu:** 00:21:10

Gaia(k):

- Familia eta harremanak » Lagunartea eta familia » Bainuak, errekak eta uretako jolasak

Laburpena:

Errekan jolasten zuten asko. Igerian edo arrantzan ibiltzen ziren errekan.

6. Errekan arrantzan; angulen inguruko azalpenak

- **Erref:** EGB-022/014
- **Iraupena:** 0:04:40. **Hasi:** 00:22:00. **Bukatu:** 00:26:40
- **Multimedia:** audioa online entzungai

Gaia(k):

- Aisia » Mendia eta hondartza » Errekako arrantza eta ehiza

Laburpena:

Arrantzan egiten zuten errekan. Besteen otarrak zaintzen egoten ziren, ea zer harrapatzen zuten. Arrainak harrapatu eta tabernara joaten ziren gero bazkaltzera. Angulak egoten ziren errekan. Angulen inguruko azalpenak.

Transkripzioa

- Gero zerian ta peskan, ta peskan ba bai. Hartu peskia ta haura segurua izaten zan ta beste batzuen zestuak errekistau, zainttu. Albitxurik han bota jok, bestiak han bota jok, bestiak... ta "jaso ein bihar juau". Ta ura zikintzen zanian, pixkat [ugerrian] zauanian-ta jaso ta igual bardu mordua ta ra! Ta txabalituak ta ba, orduantxe hamabost bat urte-edo ta gero tabernara harek jatera ixilikan ta enterau eitten zan jendia. "Ene! Goiko Errotak eta Urbanek eta ez dakit zeñiek-eta harrapau juek! Mekauen la letxe!!" Hortiko aldian zestua zakenak: "Horrek gure zestua errekistauko juen!". Ta holakotxe gauzak asko [...] ta ibili [...] ez dakit, gero ba, hortxe, gero arraiñetan ta, ba, arraiñetan asko ikusten genduan. Gero angulia. E? Ta gero zela ixotzen daban gora. Aurreraka ez da juaten, e!

- Atzeraka?

- Bai. Bai, zerian bai, hemen errekan, ba, hamen aurreraka juten da, baiña gero ixotzeko gora, hau e... odolgixa esaten gendun guk "musgo" esaten da erderaz. Ta horren bittartian sartu buztana ta dzi, dzi, dzi! Baiña bixkor gora, e! juten da.

- Ontxe harrapau dittue hamar angila, ez? Juan zan astian errekan?

- Hemen?

- Bai. E... Melitonen harrapau zittuen.

- Joño! Ta honaiño ailleau dia, e!

- Ba ointxe bajauta o ez dakit.

- Ontxe ba, itxuria, ba zertuko zian.

- Ba juan zan, oin dala bi aste-edo.

- Ointxe, ointxe ba ertetzeko zea, ixotzeko gora. Ta aingiria...

- Angilia, e? Aingiria

- Bai, angilia bai. Ta angulia oin gora ixotzen da. [...] oin gora ixotzen da. Bai, ta haren ama Gatzagaraiño jun baldin bada, ta handik bajatu bada, angulia haraiño ixotzen deu.

- Jo ba ez daka bidia makala bueltan.

- Eta gero bajatzen da, setienbrian hasten da bajatzen. [Urerria] zikiña dauanian zera ta orduan etorten da gero e... jo ta goittik behera. Ta nik angulak, e... zera, aingirak holakotxe senduak, kongrio moduan esateko moduan. Kilo bi ta...

- Hori hemen?

- Pasatzen dana... Bai. Turbiñan sartzen zian ta turbiña geratu. Urik ta ezebe ezin da geratu. Ta baten aitta zanak esan zian "Dios! Aingiria dao turbiñan" ta "guazen, kendu ura" Kendu ura ta etara genduan ta "Benga! Etara hortikan" ta hasi naiz eskua sartu zer eta dauan ta jode! Nik billurra zer ta "Jolin! Aitta hemen zeoze dao" ta "Etara, helduixok billurrik be hori ittota daok-eta! Hori aingiria dok" Gero bai, gero behin, handik aurrera banakixan ta...

- Lehenengo aldixan...

- Etara ta holakotxe aingiria, turbiñan orduan, "Aiba Dios!Zela baiña hori?" Ta guk bagendukan aitta zanak-eta einda zeuden ba kanaletikan zauan ba konporta bat. Ta han egoten zan hola nasia esaten ziuena, parrilla bat einda egurrezkua, parrillia einda ta holakotxe distantziara, zera, ura ertetzeko. Ta "Hori ze eitteko ete dok hori, ze, ze eitteko ete dok?" Ta beti holakotxe... Eta horrek kondiorrek eta: "Hau ze, ze dok? Hemen sartzeko jakak egurra ta hemen ere bai" ta Nik aittari galderia: "Aitta, han hola ta hola badao" ta "Haura nasia dok" "Nasia zer da?" ta "Ba han e... aingiria hola ta hola etorten dok, hemen ikusten dok parrillia zelan daukaun honentzako" "Bai" "Baiña honen aldian txikixa, estua, hola ta hola ta hola, ba haura ustelduta jaok eta oin kasorik ere ez. Baiña han hola harrapatzen genduan aingirak" eta guk ein, atzera. Ta ein ta ipiñi ta da! zabaldu pixkat [urarria] zauanian. Ta jo-ta ura nundikan dixen, jo-ta handik juten da aguro, e, aingiria. Ta presatikan zela ez zan jausten, ez laga presatikan jausten urari. Ta urak zelan segitzen zaban... "Dra", baten sartu gara ta joe! Baiña demaseko, dana holakotxe... hamendikan... holakotxe aingiria! Dana hortik gorakua! Txikixa [danik] ezin da, baiña sartu giñan ta joe! Berrogeta hamar kilo bai!

- Neri bildurra emango zian.

- Ta zertzen ta "Eon!" "Ze?" ta "Hau hola hartuko dou" ta listuak. "Eon! Hau hola jasoko juau ta hemen zakua ipiniko juau". Bai, guk [...]. Zakuan bai, sartu zian hamar-edo, hamabost-edo, ez dakit zer sartuko zian. Bai, mordua jateko, ba jatordu bat eitteko. Baiña han sartu e... barruan e... zer batekin hartu bagenduz e... harrapauko genduzen ba, kiluak harrapauko genduzen, mordua.

7. Non jolasten zuten; errekan itotakoak

- **Erref:** EGB-022/015
- **Iraupena:** 0:01:35. **Hasi:** 00:26:40. **Bukatu:** 00:28:15
- **Multimedia:** audioa online entzungai

Gaia(k):

- Familia eta harremanak » Lagunartea eta familia » Jolasak

- Familia eta harremanak » Lagunartea eta familia » Bainuak, errekek eta uretako jolasak

Laburpena:

Non jolasten zuten. Eliza osteko bolatokian, Toletxen, errekan, futbol zelaian. Euren denboran errekan ito ere egin ziren zenbait herritar.

Transkripzioa

- Ta [gure] zea, ta hamen, hoixe, gaztiaotan Elgoibarren gauza bat euki dau, horixe, errekoa ederra. Gero hemen e... gero, oin esaten debe eze: "Jolin, e... umiak eta..." Lehenaokuan [itten...] umiak ez dake barren iñun jolasian eitteko lekurikan. Oin pelotoiak plazan eitten debe. Guk pelotoiak bote bi eitten bagenduzen, jo-ta "echando puñetas" bialtzen ziguen hortikan. Baiña plaza txikixan, oin e... ganauak eta... plaza txikixan. Hor bestia, bola-tokixa, hemen eliza atzian. Hor ere baitta. Toletxen. Hau e... Hor badao, e... zera, hau e...
 - Maalan esaten dozu?
 - Bai, Maalan e...
 - Antzoki inguruan?
 - Bai, ez, Aranana izandakuan taillerra ta [...]. Han dana zera, zelaixa, kanpofubola ta gero, ba, esan dodana errekan ba, bueno, errekan... Ta Elgoibarren, nere akorduan, hiru-edo itto zian bakarrikan.
 - Errekan?
 - Bai. Bat hementxe, geure edadekua, neure edadekua. Zaharrak-eta jun-edo zerian ta sartu e... zerian, hemen e... zubixan... ta sartu hor, ta itxuria, dijestiua kortau ta horixe hil zan.

8. Txofer lanean soldadutzan, gerra amaitu aurreko urteetan

- **Erref:** EGB-022/018
- **Iraupena:** 0:03:00. **Hasi:** 00:30:25. **Bukatu:** 00:33:25

Gaia(k):

- Politika » Gerra zibila (1936-1939) » Borroka
- Politika » Gerraostea eta Francoren diktadura » Gerratik itzulera

Laburpena:

Gerra amaitu baino lehentxoago egin zuen soldadutza. Madrilgo frontean egon ziren; eta, handik, Toledora gero. Han txofer lanetan ibili zen; eta txofer ona zelako, azkena izan zen etxera etortzen. Ama alarguna zen eta etxera itzultzeko eskaerak egin zituen. Horren inguruko kontuak. 20 hilabete egin zituen. Gerra hasi zenean, 16 urte zituen.

9. Karakatetik ikusi zuten nola bonbardatzen zuten Eibar

- **Erref:** EGB-022/019
- **Iraupena:** 0:01:15. **Hasi:** 00:33:25. **Bukatu:** 00:34:40
- **Multimedia:** audioa online entzungai

Gaia(k):

- Politika » Gerra zibila (1936-1939) » Borroka

Laburpena:

Eibar bonbardatu zutenean Karakatetik egon ziren begira, belar-meta atzean

ezkutatuta. Elgoibarren ere kanoikadak bota zituzten; non lehertu ziren. Gerra denborako bizipenak.

Transkripzioa

- Gernika ta Eibar botatzen egon zianian, hor Karakatetikan egon giñan gu begira.
- Goittik?
- Bai, goittikan, Julian Zabaleta —Eibarren bizi da hau— ta ni. "Pedro, Juan ingo gaittuk ikustera" ta "Bai" ta tirua batetikan ta bestetikan ta gu jarri han e... zera, hau e... bedarran metia, ta bedarran meta ostian jarritta. Ta han [señia] gero beste batzuek eta ba... Ta gero, orduantxe "ra, ra, ra" abioiak eta "danba! danba! danba!" ta Eibarren botatzen ikusten, ikusi eitten genduan zelan botatzen zittuen.
- Ixo ein bihar da hor gora hori ikustera, e!
- Gero Elgoibarren ere, ba, gu han gaudela, zera, kañonazuak bota zittuen ta hemen e... bat surtidora bat badao, ba? Hantxe errekan birek esplotau zebeu han. Jo-ta esplotau zebeuian, jo-ta ura jo-ta gora, baiña zelako zera, txorrua! Bueno! Ixa Elgoibarko torrian alturara. Demasa! Ta horrek danak ikustia tokau jakun [gerra-denporan]. Ta gero, zera, ibili, ibili, ibili, ni asko ibili, ostian, gero. Neri gustau. Gero ba... gero batakin ta bestiakin ta txofer ta jun ta Bartzelonara ta gero danera.

10. Bartzelona bost aldiz garestiagoa

- **Erref:** EGB-022/021
- **Iraupena:** 0:02:11. **Hasi:** 00:35:25. **Bukatu:** 00:37:36
- **Multimedia:** audioa online entzungai

Gaia(k):

- Ekonomia eta industria » Langileen arteko harremana eta langile-mugimenduak
- Familia eta harremanak » Lagunartea eta familia » Gaztetako ibilerak

Laburpena:

<p>28-30 urterekin Bartzelonara joateko aukera izan zuen. Han bizimodua bost aldiz garestiagoa zen gutxienez. Kafe konpletoa zenbat kostatzen zen Elgoibarren eta Bartzelonan.</p>

Transkripzioa

Gero bai, e... jun ta zerera, ba klaro, etorri hemendikan ta hogeta hamar-hogeta zortzi urte nittuanian, hogeta hamar bat urte, Bartzelonara-ta jutia tokau. Orduan e... Lasa hemen egon zanak e... Lasak: "Bueno, zer, taillerretik hola ta hola lagundu ein bihar diak, lagundu ein bihar diak" eta Bartzelonara. Eta Bartzelona ikusteko gogua nik. Eta bueno, Sigman Ianian ta [Sigmakuari esan] "Bueno, motorrak martxan dao, ta ni banixe Bartzelonara". [Zortzi egunerako] holaxe jun giñan. Ikusi Bartzelona ta ikusi gero hango ambientia ta ikusi hau ta "Jode! Tokittan bizi dittuk!" Orduan hemen kafe konpletua kostatzen zan, ba!, lau bat pezeta, holako bat. Altuena, kafe konpletua, kopiakin ta dana, ba!, behintzat bost pezeta ez! Ta orduan, Bartzelonan, han jun giñan zer batera ta Bartzelonan hogeta zazpi pezeta-hogeta zortzi pezeta; kafe konpletua, ba, ezer ere ez, fariasa ta zerian. Ta gero, etorri hona ta hemen "Hola ta hola jun gaittuk holako lekutara" ta orduan [enkargauak zian] harek Elgoibarren ta "Zer?" ta "Buf! Hi! Kafe konpletua hola ta hola, korrientia baiña, e, hemen korrientia

dana!" Bai ta [...] hemezazpi-hemezortzi pezeta ta "Ba! Hogeta zortzi pezeta pagauta hemen gauaz! Bueno, nik ez najuan pagau!" esan nion, ta "E?" ta "Bai". Ta txanpan botillia orduan hiru bat duro balixo zaban, ba! Hortxe. Balixo bazaban, ez bazaban, holakotxe bat. Eta "segunda filan" giñalako "trescientas pesetas" ta aurrian izan bagiña, "seiscientas pesetas" txanpan botillia.

11. Bartzelonatik Venezuelara oliotara joaten ziren barkuak

- **Erref:** EGB-022/023
- **Iraupena:** 0:03:20. **Hasi:** 00:40:56. **Bukatu:** 00:44:16

Gaia(k):

- Herria, azpiegitura » Herri-antolaketa » Merkataritza, dendak (kokapena)
- Familia eta harremanak » Lagunartea eta familia » Gaztetako ibilerak

Laburpena:

Bartzelonatik Venezuelara oliotara joaten ziren barkuak nolakoak ziren. Gelditu gabe egiten zuten bidaia. Ekuadorra pasatzen ibiltzen omen ziren gaizki. Barkuaren nagusiarekin (Zumalaberekin) izan zuen elkarriketa.

12. Abiazioko motorra zaintzen egon zen

- **Erref:** EGB-022/025
- **Iraupena:** 0:01:28. **Hasi:** 00:45:10. **Bukatu:** 00:46:38

Gaia(k):

- Familia eta harremanak » Lagunartea eta familia » Etxeko giroa
- Lantegiak » Ekonomia eta industria » Gipuzkoako lantegiak » Debararreneko lantegiak
- Ekonomia eta industria » Lantegiak

Laburpena:

Denetariko lanak egin izan ditu. Elektrizista lanetan ere ibili zen herrian. Tailerretan ere denetarik egin izan du. Sigman egon zenean abiazioko motorra zaintzen egon zen. Honen inguruko kontuak.

13. Abiazioko motorra martxan jarri zuteneko anekdota

- **Erref:** EGB-022/026
- **Iraupena:** 0:04:48. **Hasi:** 00:46:38. **Bukatu:** 00:51:26

Gaia(k):

- Lantegiak » Ekonomia eta industria » Gipuzkoako lantegiak » Debararreneko lantegiak
- Ohiturak eta bizimodua » Kontakizunak eta sinesmenak » Gertaera izugarriak eta ezbeharrak

Laburpena:

Sigman egon zenean, abiazioko motorra zaintzen egon zen. Horren inguruko kontuak. Hasieran, motor txiki bat ekarri zieten; baina, gerora, 500 zaldiko motor handiagoa. Horren inguruko azalpen teknikoak. Motorra arrankatu zuteneko anekdota; sortu zen lur-mugimenduekin 18 baja izan zituzten.

14. Txakur haundia ordaindu behar dantza egiteko

- **Erref:** EGB-022/028
- **Iraupena:** 0:01:50. **Hasi:** 00:52:36. **Bukatu:** 00:54:26

Gaia(k):

- Aisia » Kultura » Musika
- Aisia » Jai-giroa » Erromeriak

Laburpena:

San Migelera joaten zen askotan erromeriara. Kurutzetara ere inoiz joan izan zen. Trinitadeetan plazan musika egoten zen, baina txakur haundia ordaindu behar izaten zen dantza lotua egiteko.

15. Bere adineko gazteen aldean asko ibili zen hara eta hona

- **Erref:** EGB-022/029
- **Iraupena:** 0:01:40. **Hasi:** 00:54:26. **Bukatu:** 00:56:06

Gaia(k):

- Familia eta harremanak » Lagunartea eta familia » Gaztetako ibilerak
- Herria, azpiegitura » Garraioak » Trenak

Laburpena:

<p>Lehen jendea gutxi ibiltzen zen batetik bestera. Hala ere, bera asko ibiltzen zen garai hartarako. Gerra aurretik ere lau-bost aldiz joan zen Donostiara estropadak ikustera. Sei pezeta kostatzen zen joan-etorria trenez. Bilbora ere joan izan zen aitarekin kotxeentzako piezak ikustera.</p>

16. Ondarroa eta Lekeitio ezagutu zitueneko kontuak

- **Erref:** EGB-022/031
- **Iraupena:** 0:01:55. **Hasi:** 00:57:29. **Bukatu:** 00:59:24

Gaia(k):

- Familia eta harremanak » Lagunartea eta familia » Gaztetako ibilerak

Laburpena:

Beti izaten zuen Ondarroa eta Lekeitio ikusteko gogoia eta behin aitak eraman zuen herriak ezagutzera. Beste inguru batzuetara ere (Azkoitia, Zumarraga...) eraman izan zuen aitak.

17. Ez du izan inoiz besteen euskara ulertzeko arazorik

- **Erref:** EGB-022/032
- **Iraupena:** 0:03:08. **Hasi:** 00:59:24. **Bukatu:** 01:02:32

Gaia(k):

- Euskara » Euskalkia, herri hizkerak, euskara batua
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

Inoiz ez du izan arazorik beste herrietakoen euskara ulertzeko. Gainera, berari

nahi gabe besteen euskara ateratzen omen zaio batzuetan. Soldadutzan ere ez zuen ulermen arazorik izan. Nafarrei ere ondo ulertzen die. Tolosa eta Eibarko bi lagunen arteko anekdota.

18. Neskari helduta joatearren 250 pezetako isuna

- **Erref:** EGB-022/034
- **Iraupena:** 0:01:10. **Hasi:** 01:03:32. **Bukatu:** 01:04:42

Gaia(k):

- Ohiturak eta bizimodua » Erlijioa » Elizaren indarra
- Politika » Euskara eta politika

Laburpena:

<p>Frankismo garaiko debekuak. Aurretik beti euskaraz hitz egiten zen, baina gero debekatu egin zuten. Neskari helduta joatearren 250 pezetako isuna jartzen zuten. Abadeek izan zutela erru handia uste du eta horregatik galdu omen da asko fedea.</p>

19. Bainujantzia janztearren, apaizen sermoia entzun behar

- **Erref:** EGB-022/035
- **Iraupena:** 0:04:03. **Hasi:** 01:04:42. **Bukatu:** 01:08:45

Gaia(k):

- Aisia » Mendia eta hondartza » Hondartza
- Ohiturak eta bizimodua » Erlijioa » Elizaren indarra
- Familia eta harremanak » Sexua eta generoa » Genero berdintasuna

Laburpena:

Debako hondartzan, sokak egoten ziren neskak uretara sokari helduta sartzeko. Neskek arropa mordoarekin bainatu behar izaten zuten. Debako neska baten inguruko gertakizuna: Ingalaterrara joan zen; eta, handik etortzean, bainujantziarekin bainatu zen normal-normal. Apaizak pulpitutik kritikatu zuen, baina neskak aurre egin zien apaizei.

20. Sarjentuari Deban gertatutakoa

- **Erref:** EGB-022/037
- **Iraupena:** 0:01:10. **Hasi:** 01:09:25. **Bukatu:** 01:10:35

Gaia(k):

- Familia eta harremanak » Sexua eta generoa » Genero berdintasuna
- Ohiturak eta bizimodua » Bizioak

Laburpena:

Deban egoten zen sarjentu baten inguruko kontuak. Erretzen zegoen emakume bati zigarroa kendu zion, jeneralaren "kerida" zela jakin gabe eta bidali egin zuten.

21. Euskal Herrian bikini lehenengoz Getarian

- **Erref:** EGB-022/038
- **Iraupena:** 0:01:32. **Hasi:** 01:10:35. **Bukatu:** 01:12:07

Gaia(k):

- Aisia » Oporrak
- Familia eta harremanak » Herriko giroa » Herriaren nortasuna
- Ohiturak eta bizimodua » Erlijioa » Elizaren jarrera

Laburpena:

Abadeek asko lotzen zuten euren debekuekin eta azkenean esplotatu egin zen jendea. Getaria beti aurrerratuago joan omen da beste herriak baino. Euskal Herrian lehenengo Getarian jantziko omen zen bikinia, atzerritar asko egoten zen eta.

22. Getaria aurreratuta hondartzan arropa gutxi erabiltze kontuetan

- **Erref:** EGB-022/039
- **Iraupena:** 0:01:55. **Hasi:** 01:12:07. **Bukatu:** 01:14:02

Gaia(k):

- Familia eta harremanak » Herriko giroa » Herriaren nortasuna
- Aisia » Oporrak

Laburpena:

<p>Getarian neska-mutil kuadrilla bat biluzik ikusi zuteneko kontua. Getaria beste herriak baino aurrerratuago egon izan da halako kontuetan, atzerritar asko etortzen zirelako bertara. Holanda, Belgika eta Sueziatik "balandroan" (belauntzietan) etortzen omen ziren asko.</p>

Ahotsak.eus-eko edukiarekin sortutako dokumentu automatikoa.

2026-03-02

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com